

二二八事件

一. 起源

1947年2月到5月期間，台灣所發生嘅一連串事件，其中包括官民武裝衝突、軍隊鎮壓平民、台籍士紳被搜捕同埋殺害，重有當地人對外省人攻擊等。

事件由1947年2月27號喺台北市一單私煙查緝糾紛引起（有人話係因為買賣過程誤會），觸發2月28號台北市民請願、示威、罷工、罷市。同一日又發生公署衛兵槍擊請願民眾，結果單嘢由請願懲兇變成對抗公署，最後激化到省籍衝突。抗爭同衝突嘅幾日內蔓延到全台灣，令原本單純嘅治安事件演變為社會運動，最終導致官民之間武裝衝突，同埋台灣當地人同大陸人之間嘅族群衝突。事件最後係軍事鎮壓入面結束。

二二八事件台灣光復後一年半入面發生，是有特殊時代背景。其實臺灣社會更為流傳所謂嘅「五天五地」「盟軍轟炸驚天動地，臺灣光復歡天喜地，貪官污吏花天酒地，政治混亂烏天暗地，物價起漲呼天叫地。」

政府腐敗的點: 政治

1945年，第二次世界大戰結束後，日本帝國戰敗無條件投降，向美中等盟國移交戰爭入面嘅佔領區。1945年8月15號，喺中國大陸地區，中華民國政府派何應欽去南京接受日軍總司令岡村寧次嘅降書；喺台灣，中華民國政府喺1945年10月25號喺台北市，接受日本投降同時接管台灣。陳儀被指派做台灣省行政長官兼警備總司令，負責全台事務。

軍事

第二次世界大戰結束後，美蘇兩國劃分勢力範圍嘅鬥爭立即展開，其中喺東亞嘅焦點係中國，由美蘇各自扶植嘅親近嘅政治力量——國民黨同埋共產黨開始就戰後中國嘅重建、兩黨勢力範圍同埋軍事力量嘅處理，甚至未來國家政權嘅組成方式同理由邊方主導等敏感因素進行談判同埋鬥爭。雖然雙方曾重慶談判後達成初步共識，但由於兩黨間互相敵視以久，缺乏根本信任，以及蔣介石對於雙方力量對比同埋國內國際形勢嘅判斷存在偏差。國民政府最終都係決定以武力消滅共產黨勢力。於是中國最終陷入國共內戰嘅泥沼。1947年之後，由於國民政府嘅財經政策失當、官員貪污腐敗問題嚴重、東北地區戰略失誤，軍事指揮上嘅全局戰略失誤，以及國軍內部派系鬥爭，缺乏協調作戰精神等諸多因素，國軍喺戰場上逐漸陷於被動，並開始呈現崩潰跡象。因此蔣介石開始準備將台灣地區作為重點加以經營，以備日後喺大陸失敗後重有一塊接受美援，反共復國嘅基地。

經濟

喺接管各日本佔領區之後嘅中國經濟，由於維持國共內戰嘅龐大軍需，以及光復初期國民黨官員嘅腐敗叢生，加上政府相關管制政策不當，以致於民生物資不足，通貨膨脹極之嚴重。喺中國大陸地區，中央銀行先後發行嘅法幣，金圓券幾近崩潰。台灣地區雖然情況較全國狀況為好，但亦因此必須供給中國大陸地區嘅資源需求。此外，比起日治時期，經濟民生嘅混亂程度增加，台灣人民多有怨言。

文化

因為經濟崩潰以及台灣省行政長官公署內部嚴重貪污問題，重有政府喺官職同其他方面對中國大陸人同埋台灣當地人有不平等對待，造成相當嚴重嘅社會問題，當時位居知識領導者嘅文化界同埋學生展開要求民主及經濟改革嘅活動。對此，陳儀為首嘅主政當局採取「寬輿論（政治），緊經濟」政策。一方面並未嚴格禁止批評時政嘅言論，但又唔採納意見，另一方面就積極實施嚴格嘅經濟管控措施，壟斷台灣同中國大陸貿易嘅經濟管道。

台灣人所不滿：

戰後經濟問題

戰後初期台灣銀行所發行嘅「台幣一百萬元」本票

第二次世界大戰期間美軍空襲台灣，重創台灣產業，導致戰後台灣農業產值得返 1937年嘅 49%，工業產值更加唔到 33%。重有啲學校、商店、工廠、醫院、鐵路、發電廠等建設都因為戰火而嚴重破壞，重建工作困難。加上日本政府停止台灣人申請儲

蓄金歸還，搞到啲債券變晒做廢紙，造成金融物價秩序混亂。國民政府接收之後又猛咁印銀紙，重將民生物資運去大陸資助國共內戰，搞到台灣嚴重通貨膨脹。

唔止，官方一方面將原本屬日本人同殖民政府嘅財產，直接收為私有，重拆裝賣去中國大陸。另一方面又延續日本殖民政策，壟斷台灣嘅經濟（好似煙、酒、糖、樟腦等專賣），重利用各種關係排擠民營公司。由於日治時期台灣人都當「煙酒專賣局」、「台灣製糖會社」呢類公司係日本殖民制度象徵，所以產生「以前受日本人欺負，現在受中國人欺負」嘅感覺。二二八事件嘅導火線發生係查緝私煙上，都或多或少同呢啲政策有關。

隔閡、誤解與不平等

日本政府直到 1945 年 5 月先實施義務兵役，但係之前 1942 年 1 月日本政府已經實施緊志願兵役，雖然台灣人有權選擇唔參戰，但都出現踴躍投軍現象，1943 年自願提出申請人數重多到去 60 萬以上，好多大陸人因為咁遷怒台灣人。加上對戰前台灣情勢唔理解，有一啲台灣人被人話係漢奸，重受到緝捕。為之後族群衝突種下隱憂。

除咗台灣人同閩南人之外嘅大陸人因為有語言同日常習慣嘅隔閡，台灣人參與政治嘅權利都受到差別待遇，多數只係畀做啲低級官員。而政府官員同接收台灣嘅軍隊又有嚴重嘅官僚作風同貪污問題。

(二)228 事件的導火線

話說 1947 年 2 月 27 號，「台灣省專賣局台北分局」查緝員傅學通、葉得根、盛鐵夫、鍾延洲、趙子健、劉超群等六條友同四個警察，係台北市天馬茶房前，見到有一個 40 歲嘅女人林江邁正喺度販賣私煙，查緝員走去沒收晒林婦賣緊嘅煙同身上所有嘅錢。雖然林婦表示因有仔有女，家計困難，重跪地求饒，但係查緝員一於話之你，搞搞吓令周圍越聚越多民眾睇嘢，之後林江邁畀查緝員用槍柄公然扑佢個頭。見到咁，民眾立嚟過火屎，重將查緝員包圍，傅學通等人開槍警告，點知失手射死咗一個叫陳文溪嘅市民。激到群眾係當日夜晚包圍警察局，要求懲兇，但由於警察局長官包庇下屬，畀唔到民眾得一個滿意答覆。

隔日 2 月 28 號，因為前一日事件，台北市部分地區展開罷工、罷市，好多市民除咗走去肇事查緝員所任職嘅專賣局分局抗議之外，重要求公賣局分局長歐陽正宅下臺負責。係群眾抗議中發生零星焚燒事件，重造成一個警察死亡。之後抗議群眾集結喺台灣省行政長官公署門口請願示威，過程入面公署衛兵對市民開槍結果造成傷亡，令民眾情緒更加激昂。之後抗議嘅民眾轉去公署附近嘅台北新公園（後改名為二二八和平公園）繼續示威集結，並同時喺位於新公園入面嘅台灣廣播電台，廣播報導事件因由。而長期對中華民國政府唔滿意嘅情緒，加上臺灣省行政長官公署處理不當，結果係 3 月 1 號起，終於爆發咗全島性反抗政府事件^[2]。

二. 過程

如果唔以民眾暴動事件考慮^[3]，反抗大致上跟住兩條同時發生嘅路線進行：第一係「政治交涉路線」；另外係「武裝抗爭路線」^[4]。一方面，台北同台灣各縣市嘅各級民意代表同社會名流，紛紛組成「二二八事件處理委員會」，同行政長官陳儀展開協商談判，重對陳儀提出逮捕貪官污吏、廢止行政長官公署、實施省自治、在行政、司法、軍事各方面起用台灣人等要求^[5]。

另一方面，各地都出現有民兵嘗試佔領警局或軍械庫，收繳槍械、組織民兵，重試圖用武力進行抗爭。面對呢啲反抗行動，政府亦用軍警開槍射擊回報。好多地方嘅反抗入面，以台灣共產黨前領袖謝雪紅係台中用『推翻國民政府』作為號召，所發動嘅二七部隊最出名^[6]，各地嘅反抗亦以呢隊勢力維持最長。另外較有規模嘅衝突重有嘉義水上機場同紅毛埤軍械庫嘅戰鬥、高雄駐軍同反抗勢力嘅衝突。台灣西部地區嘅衝突就重嚴重，東部地區就多數只係得啲小騷動。

高雄嘅軍事鎮壓

3月2號~3月4號間，已經有來自台北同台南人士入去高雄，同嗰度嘅警察、憲兵發生武裝衝突。3月5號，高雄要塞司令彭孟緝開始對高雄市區展開砲轟同掃射，重係3月6號派軍隊攻擊高雄市政府、高雄車站同高雄第一中學(而家嘅高雄中學)，除咗平民之外，重有好多高雄市議員都係嗰呢場攻擊行動入面喪生，又或者被逮捕後處死。呢場軍事行動亦係國民政府由大陸派遣援軍入台灣之前嘅第一次軍事鎮壓，重發生公開槍決犯人事件。

台灣意識崛起

由國民黨軍隊操作、整條救火車上嘅機關槍。當時係聯合國服務嘅 Dr. M. Ottseny 就係台南親眼睇到呢單嘢。詳細拍攝日期不詳。

根據李筱峰研究，嗰呢單嘢入面，唔理係政治交涉路線，抑或係武裝抗爭路線，佢哋都係嗰呢單嘢入面所提出嘅訴求大致相似，其實都係想「高度自治」，係國家認同嘅層次上，仍以中國作為認同對象。但係嗰呢單嘢之後，面對國民黨政府針對台灣嘅高壓統治，台灣本省人同大陸人之間嘅隔閡逐漸加深，部份台灣人漸漸產生想要追求獨立國家嘅諗法。所以就有人話二二八事件係戰後台灣獨立運動嘅起點^[7]，例如台灣獨立運動開創元老廖文毅同廖文奎兄弟。美國學者 Meisner 都咁認為：“『二二八』一詞，唔單止係海外流亡台灣獨立團體嘅口號，重係點醒所有已成年台灣人個

人悲慘經驗嘅一個象徵。”^[8]台灣作家李喬都咁認為：“二二八事件是台灣史上，死傷最慘最多，影響最深廣的歷史事件。『二二八』已成為台灣人共同的夢魘、族群的共同潛意識；台灣人的意識、精神、情操、人間形象、人生理想，藝術創造，價值觀念等等，都隱含了『二二八』的因子。









